

泉州府志卷之二十九

名宦一

瀕海之民易于斂怨亦易于見德無愛民之實心而徒事形驅勢迫智取術馭勿謂民愚撫我虐我心焉數之矣維茲巖郡監司統之守令專之丞倅而下分符佐之師儒之官振鐸教之以逮建牙專閩禦敵捍患無一不與閭閻休戚相關愛吾民者民亦愛之去後之思所以歷久彌永也自唐迄今宦于泉者或紀載所及或咏歌所播全美則淪浹肌膚一節亦利澤

泉州府志

卷之二十九

名宦一

一

蒼赤勿翦之棠衆心一心衆口一口固不專藉報德之祠頌言之碑始足導楊休美也作名宦志

唐

團練副使

許天正固始人陳元光前鋒將元光父政高宗時勅統嶺南行軍總管事自固始入閩從之者有盧如金等三十人獨天正博學能文以儒飾吏以勇練士及元光代領父衆遂用天正領泉潮事有所申請待討論迺行天正平惠潮虔撫置保三十六所三年之內嶺海輯晏陞中

奉大夫兼嶺南團練副使裴採訪與張燕公薦于朝欲
掄掌史館天正力辭歷泉潮團練副使宋時追封順應

侯

通志參
閩書

太守

薛昱天寶中爲清源太守以清德著郡人歌云郡號清源

官有清德

舊志

刺史

蘇妙字觀妙南海人大歷中刺泉有惠政有白鵲巢于門

樓妙出鵲每隨集車蓋民頌歌之

舊志

泉州府志

卷之二十九

名宦一

二

薛播河中寶鼎人開元天寶間兄弟七人並擢進士累授

殿中侍御史遷武功萬年令溫敏而裕與人交有常李

栖筠常袞崔祐甫並器之祐甫輔政拜中書舍人出爲

汝州刺史建中間坐小累貶泉州刺史秦系客泉播頻

往候問歲時致羊酒得歐陽詹優禮之詹由是知名再

遷河南尹禮部侍郎卒贈尚書

舊志參
閩書

趙昌字洪祚天水人貞元閒泉州刺史鑿泉築塘灌田三

百餘頃後爲尙書民追思其德名其塘曰尚書塘在城

東北隅與東湖隔街

舊志

席相安定人貞元中以河東令刺泉州敷收興文建六曹都堂造北樓請歐陽詹爲記癸酉歲詹與邑貢生八人將西上相以鄉飲禮餞送之更設讌東湖亭修賓主禮款洽備至一時老幼來窺盡室盈岐閭里之士皆以爲

榮競勸於學

舊志
閩書 參

趙榮泰和中泉州刺史郡有通淮橋其東南曰通淮門榮於郡郭之東南隅瀦洩江水以肥沃南洋之田民便之因其氏稱曰天水淮

舊志

薛戎字元夫寶鼎人少有學術不求聞達居陽羨山江西

泉州府志

卷之二十九

名宦一

三

觀察使李衡辟爲從事故相齊映代衡又畱署府職罷歸福建觀察使柳冕表爲從事轉殿中侍御史會泉州缺刺史冕署戎權領州事是時姚南仲節制鄭滑從事馬總以直道爲監軍使薛盈珍誣奏貶泉州別駕冕附會權勢欲構成總罪使戎按問曲成之戎不從別白其狀戎還自泉州冕盛氣據衙而見賓客戎歷東廂從容而入冕度勢未可屈徐起一揖而退又構共罪以狀聞置戎于佛寺環以武夫恣其侵辱如是累月誘令成總之罪竟不動搖杜佑鎮淮南表戎冤乃發書諭冕戎難

方解遂辭職歸後召拜侍御史歷浙江觀察使

舊志參
閩書

馬總字元會扶風人貞元中謫泉州別駕元和初權知泉州刺史鑿北山下塘以灌民田篤學不妄交遊雖吏事倥偬書冊在前用儒飾吏廉清不撓韓退之爲總作鄆州溪堂詩序極稱其政歷官安南都護戶部尚書卒贈

右僕射諡曰懿

舊志參
閩書

王潮字信臣光州固始人五代祖粦爲固始令民愛其仁畱之因家焉世以貲顯潮兄弟三人長卽潮次審知審邽僖宗入蜀盜興江淮壽春人王緒劉行全合羣盜據

泉州府志

卷之二十九

名宦一

四

壽州未幾衆萬餘自稱將軍復取光州陷固始劫豪傑置軍中潮自縣史署軍正主廩庾士推其信緒提二州籍附秦宗權他日賦不如期宗權切責緒懼與行全拔衆南奔畧潯陽贛水取汀州自稱刺史入漳州皆不能有也初以糧少故兼道馳約軍中曰以老孺從者斬潮與二弟奉母行緒切責潮曰吾聞軍行有法無不法之軍對曰人皆有母不聞有無母之人緒怒欲斬其母三子同辭曰事母猶事將軍殺其母焉用其子緒舍之會母死不敢哭夜殯道左時望氣者言軍中有王氣緒素

猜忌潛視魁梧雄才者皆以事誅之衆懼次南安潮語行全曰子美須睂才絕衆吾不知子死所而行全亦不自安與左右數十人伏叢翳徂縛緒以徇衆呼萬歲推行全爲將軍辭曰生我者潮也請以爲主潮苦讓不克廼除地剗劍祝曰拜而劍三動者我以爲主至審知劍躍於地衆以爲神皆拜之審知讓潮自爲副緒歎曰我不能殺是子非天乎遂自殺潮令于軍曰天子蒙難今當出交廣入巴蜀以獎王室於是悉師將行會泉州刺史廖彥若貪暴州人張延魯聞潮治軍有法率耆老奉

牛酒迎潮潮圍城歲餘克之殺彥若有其地請降於觀察使陳巖巖表潮爲泉州刺史潮居泉招懷離散均賦繕兵泉人稱便及陳巖卒其壻范暉擁兵自稱畱後潮遣從弟彥復將兵攻暉審知監之暉守彌年不下遣人白潮請罷兵潮報曰兵盡益兵將盡益將兵將盡吾至矣於是彥復急攻暉亡入海追斬之建汀二州皆舉聽命潮盡有五州地入福州自稱畱後爲陳巖卜葬素服哭之以女妻其子昭宗假潮福建等州團練使俄遷觀察使廼作四門義學還流亡定賦斂遣吏勸農人皆安

之乾寧中罷福州爲威武軍卽拜潮節度使檢校尚書

左僕射卒贈司空

閩書

別駕

姜公輔日南人建中間爲唐相因論唐安公主造塔忤德

宗謂其賣直售名左遷左庶子未幾貶泉州別駕築室

于南安九日山與秦系相近順宗立拜吉州刺史未之

官卒憲宗時贈禮部尚書宋蘇紳大書姜相峯三字刻

于九日山之石磴

舊志

晉江縣令

泉州府志

卷之二十九

名宦一

六

趙頤正乾元元年爲晉江縣令開晉江鑿溝引水通舟楫

至城下民德之

舊志參
閩書

五代

清溪縣令

詹敦仁字君澤五代光州固始人後周顯德初遷閩隱於

仙遊植德山下上閩王昶書勸其入貢昶命參決軍事

強以袍笏不受以詩謝之有周粟縱榮寧忍食葛廬頻

顧謾勞思之句居泉山杜門不出節度畱從効辟至復

力辭乃求監小溪場請置縣遂爲清溪令政尚德惠舉

王直道以自代夔佛耳山峭絕可耕可廬卜築其上號所居曰清隱自爲記從効遺之書稱曰清隱先生後人取書中有崇待篤信之語名其里曰崇信邑人爲立祠與周朴劉乙相友善宋咸淳中勅封靖惠侯賜廟額曰靈惠所著有清隱集

舊志
文獻
閩書
清源

王直道字伯三號潛夫王審知孫也居三山無戀功名意後周顯德二年詹敦仁舉以自代爲清溪令士民安之不數載遂掛冠與敦仁偕隱晨夕詩酒相娛名其居曰

行樂

安溪志

泉州府志

卷之二十九

名宦一

七

宋

知軍州事

陳文顯字仲達洪進子洪進領漳泉節制署左神機指揮使遷泉州馬步軍都軍使右軍押衙乾德初朝命平海軍節度副使累加檢校太保洪進歸朝授文顯通州團練使知泉州未幾代還時太宗征太原朝行在久之出爲青齊廬壽西京川南北陝州四州郡巡檢使文顯與諸弟不睦私藏列訟眞宗咸平初爲御史中丞李惟清所論劾詔念洪進忠勳令御史臺誠諭之尋以疾改通

許鎮都監六年卒子宗憲歷虞部員外郎爲西京作坊

使宗元殿中丞

閩書

喬維岳字伯周太平興國三年以通判知軍州事時盜起

仙遊衆十餘萬攻郡城郡中兵僅三千勢甚危急監軍

何承矩欲盡屠其民焚府庫以遁維岳抗議堅守旣而

轉運使楊克讓率兵破賊圍始解事聞下詔褒之

舊志

知州事

孫逢吉太平興國七年知泉州以精忠厚德見稱真德秀

守泉時舉與程大昌顏師魯林杓韓國華陳侂趙鼎並

泉州府志

卷之二十九 名宦一

八

祀

閩書

韓國華字光弼安陽人太平興國二年進士景德中以太

常少卿出知泉州質性純直治有時譽子埼郡舍所生

也後人遡所自出石刻國華及琦像祀府中而名府治

之堂曰忠獻

舊志參閩書

陳靖莆田人太宗眞宗朝屢議均田三司使阻之不果行

大中祥符天禧閒累官知泉州重農愛民郡人德之

舊志

方慎言字應之莆田人天聖元年知泉州會歲飢大發官

廩賑貸尤恤鰥寡孤獨生子有以方爲名者

舊志

葉賓仙遊人景德二年進士天聖六年知泉州治理甚明嘗臨印南安縣有盜截牛舌者其主以聞陽爲叱去陰令屠之卽有告屠牛者賓謂曰截牛舌者汝也訊之果

服舊志

曹修睦字公臣建安人景祐閒知泉州濱海有天水淮迎潮水溉浸旁田數十里自渠水湮塞田蕪租逋修睦爲疏鑿之渠通而田復流民還業賦額復舊利及百世長於文學范仲淹嘗贈以詩曰泉南曹使君詩源萬里長復我百餘言疑登孔子堂聞之金石音純純自宮商閩節

泉州府志

卷之二十九

名宦一

九

書參蔡忠惠集

沈周字望之錢塘人康定元年守泉州爲治簡易訟有可已者輒使歸思之獄以故少泉舊多盜日暮市門輒閉禁民勿往來及周至除其禁而盜亦止舊志

蔡襄字君謨仙遊人至和嘉祐閒兩知泉州威惠兼行民畏而愛之州之東有萬安渡涉海而濟往來畏其險襄立石爲梁長三百六十丈種蠣於礎爲固又植松七百里以庇道路泉人刻碑記德立祠祀焉祠在橋南今猶

存舊志

關詠籍貫闕嘉祐八年自太常少卿知泉州改光祿卿祕書監泉有番舶之饒官州者多市取其貨十不償一惟詠與叅軍杜純無私買竟以不察舉他官坐免

書闕

晁宗恪字世恭祥符人熙寧閒自朝散大夫守光祿卿知泉州修廢弛督奸彊威信盛行盜不敢發獄無繫囚人安其政去而思之

書闕

陳侂字君舉沙縣人通判蔡州嘗以疾在告力爭枉獄免死者五人熙寧八年召知開封府屬新法行請外知泉州以治行聞召見改惠州元豐五年復知泉州舊法番

泉州府志

卷之二十九

名宦一

十

商至必使詣廣東否則沒其貨侂請立市舶司于泉詔從其議以朝議大夫致仕贈特進

舊志

陳樞字慎之湖州長興人熙寧閒自宣德郎守尚書屯田員外郎知泉州去觚角紕雕琢敦樸平易刑寧失罪惟恐傷人賦役度所不可蠲除者然後調發與民爲期會未嘗取疾爭先泉歲凶樞築室止窮民饑者給食病者給醫使者蒐兵於閩益廣西戍樞言兵當蒐者父母老或疾至無他子皆可聽免詔爲令元豐元年曾鞏爲福州充福建路兵馬鈐轄奏疏曰臣所領內知泉州事尚

書屯田員外郎陳樞質性純篤治民爲循吏積十有五年不上課故爲郎久不遷方朝廷抑浮競尚廉素之時宜蒙特詔有司奏樞課優進其官以獎恬退於是特遷樞尚書都官員外郎誥曰吾寵樞也以戒奔競書閩

黃伸邵武人嘉祐六年進士元豐中知泉州建學校芝生

于梁改建州歷官司農卿舊志

陳覺民仙遊人熙寧初登第元祐中知漳州建州福州所至有治行崇寧五年改知泉州時有司建言欲權六郡酷覺民陳五不可且移書約他郡同請其事遂寢遷本

泉州府志

卷之二十九

名宦一

十一

路提刑風采嚴峻未嘗與僚屬妄交一談人甚憚之舊志

陸藻候官人宣和中爲泉州郡守招致郡中謝事五老賦詩贈之曰五老三百五十七俱生仁祖承平時名齊廬阜久傳世身異商山深采芝兄蘊同時爲建寧守俱有

名舊志

張闡字大猷永嘉人紹興中通判泉州軍州事靖康中知

泉州有治聲累官工部尚書贈端明殿學士諡忠簡書閩

梁巖老永福人政和中金再犯闕奉使敵軍中被幽荒寺日給以飲食食餘輒私晒之復陰漬其壁旣而壁壞挾

餘糧夜遁晝伏竟全節歸高宗嘉歎建炎元年除直祕閣知泉州方欲大用之未幾卒士大夫惜焉

舊志

劉子羽字彥修崇安人宣和閒與父幹守眞定金不能拔而去由是顯名紹興六年知泉州在郡二年政多澤民

民愛之如父母

舊志

趙鼎字元鎮聞喜人崇寧五年進士歷遷司勳郎官嘗上言罷王安石配饗後以忤旨出奉祠歷知洪州召拜叅知政事爲給事中勾濤所詆出知紹興秦檜往餞鼎不爲禮檜憾之有旨召鼎鼎至越勾祠檜惡其逼已紹興

泉州府志

卷之二十九

名宦一

十二

九年徙知泉州年餘安撫泉民檜又諷御史中丞王次翁論鼎治郡廢弛命提舉洞霄宮鼎自泉歸復上書言時政檜忌其復用諷次翁又論其乾沒府錢十七萬緡

安置潮州孝宗卽位諡忠簡贈太傅追封豐國公

舊志
參閩

書

陳彥才字用中平陽人宣和進士秦檜寓永嘉彥才居與隣未嘗謁之彥才與檜生辰偶同戲作詩曰命賤安能比鉅公偶然生月與相同只爲日上差些子甘向連江作釣翁後歷徙知泉州朱文公跋其述懷詩稱其廉靜

自守不肯屈意權門有省身知足之歎

雍正
志稿

汪藻字彥章德興人父穀丞晉江生藻丞舍紹興閒藻來守郡年六十餘矣其謝表云訪六十年之父老恍若前生佩二千石之印符敢期今日陳俊卿爲觀察推官與藻同時郡中失火藻急往視諸椽屬方出飲俊卿雖不同飲顧其輿卒實假之行旣與諸僚屬皆以後至被詰俊卿同諸椽屬唯謝而已後藻知俊卿服勤職事居恒不赴宴會怪而問故俊卿曰某不能止僚友之行忍自解以重其罪乎藻深歎服謂不可及藻博聞強識寤寐

泉州府志

卷之二十九

名宦一

十三

千載心摹手追穿貫羅網推原天人道德之旨古今興壞之跡金華勸講石室紬書典冊施之朝廷樂歌薦之祀廟碩學鴻文暴曜一世

閩書

陳康伯字長卿弋陽人紹興十六年知泉州時海寇閒作朝廷遣劉寶成閔逐捕康伯以上意招懷之盜多出降籍爲兵久之不逞者陰倡亂康伯訊得實論殺之州以無事歷官尚書右僕射同中書門下平章事高宗謂其靜重明敏眞宰相孝宗稱其器量從容可比謝安

舊志

葉廷珪字嗣忠甌寧人紹興十八年以兵部郎中出知泉

州爲政清靜簡易時通淮河塞廷珪疏引入城語州之士曰通此異水十年當出大魁至期梁克家應之尤工詩與傅自得一見如平生會卽談詩一日出所作郡齋羅漢室示自得末云幾多雁鷺行閒吏衙退頻來禮釋迦自得曰泉故劇郡公使吏輩優游如此可以觀政廷珪以爲會心之友喜編纂有海錄雜事碎事傳于世去後郡人祠于清源下洞

舊志參
閩書

趙令衿宋宗室也紹興二十一年知泉州博學能文在郡畱意教養建堂祀姜公輔秦系於九日山下民感其化

泉州府志

卷之二十九

名宦一

十四

官至明州觀察使

舊志

辛次膺萊州人第進士爲吏部郎時以劾秦檜妻兄王仲巖等不法求去除直秘閣湖南提刑未幾罷奉祠閱十六年甘貧無求檜死起知泉州爲政清靜務先德化人安其不煩移福建帥丁母憂乞納祿爲人孝友清介立朝謇諤仕宦五十年無絲毫挂吏議云

舊志

范如圭字伯達建陽人登進士第歷校書郎兼史館校勘嘗以書責秦檜曲學背師忘仇辱國之罪謁告去杜門十餘年紹興二十九年知泉州時南外宗正官寄治

郡中挾勢爲暴占役禁兵以百數如圭裁之以法宗室
大沮恨密譖之遂以中旨罷領祠舊志

劉珙字共父崇安人紹興十二年舉進士隆興間知泉州
委事僚屬一無所問人意其不諳或不屑爲旣乃取而
自爲之辨察精明區處的當士民悅服歷觀文殿學士

卒贈光祿大夫諡恭肅閩書

陳俊卿字應求興化人隆興二年以寶文閣待制知泉州
初俊卿爲州觀察推官服勤職業同僚宴集恒謝不往
民受實惠秦檜惡其不附己改南外睦宗院教授後累

泉州府志

卷之二十九 名宦一

十五

遷叅知政事平生孝友忠敬清嚴好禮在朝正色危論
侃侃無所避焉舊志

趙子瀟宋宗室乾道二年知泉州吏有掠民女爲妾者其
妻妬悍磔之貯以缶抵其兄興化椽廨中妾父詣郡訴
吏不能決子瀟廉知密令人往興化掩取之果得缶遂
成獄其精明多類此舊志

王十朋字龜齡樂清人由太學試策高宗廷擢第一歷官
吏部侍郎力辭出知饒州移夔州繼知湖州戶部責虛
逋三十四萬命吏持券往取不聽卽請祠去乾道四年

起知泉州下車會七邑令飲作一絕云九重天子愛民
深令尹宜懷惻隱心今日黃堂一杯酒使君端爲庶民
斟於是割俸錢創貢闈布上恩恤民隱士之賢者詣門
以禮致之朔望會諸生學宮講經修姜公輔之墓立秦
系之祠復韓琦忠獻蔡襄安靜二堂僚屬間有不善反
復告戒使之自新民輸租俾自槩量訟至溫詞曉以理
義多退聽者去之日老穉攀畱越境以送思之如父母
焉後以龍圖閣直學士致仕州人建梅溪祠祀之朱熹
稱十朋疎暢洞達如青天白日磊落君子也

舊志
參
閩書

泉州府志

卷之二十九

名宦一

十六

汪大猷字仲嘉鄞縣人乾道七年以敷文閣待制知泉州
時毘舍邪嘗掠海濱歲遣戍防之勞費不貲大猷作屋
二百區遣將畱屯寇不復犯久之戍兵以真臘大賈爲
毘舍邪執之大猷曰毘舍邪面黑如漆語言不通此非
也遂遣之故事番商與人爭鬪非折傷罪皆以牛贖大
猷曰安有中國用外島夷俗者旣在吾境當用吾法三
佛齊請鑄銅瓦三萬詔泉廣二州督造大猷奏法銅不
下海中國方禁銷銅奈何爲其所役卒不與進敷文閣

直學士畱知泉州

舊志

姚憲淳熙中知泉州易學宮廟門修文昌閣及諸齋書閩

韓彥直淳熙六年知泉州始置小學以教民擇有學行之

士二員職訓導講說書閩

程大昌字泰之休寧人紹興中試館職爲祕書省正字歷官權吏部尚書淳熙七年方行中外迭更之制力請出外遂知泉州有惠政江州賊沈師作亂戍將蕭統領戰死閩部大震大昌趣統制裴師武討之賊遂遁去遷知建寧府徙知明州致仕卒大昌博學善考究著述傳於

當時舊志

泉州府志

卷之二十九名宦

十七

趙必愿字立夫宋宗室汝愚孫也淳熙中以華文閣直學士知泉州罷白土課及免差吏權鐵諷諸邑行義役秋旱力講荒政乞發倉賑救多所全活必愿爲政平易以近民忠信以厚俗尤畱意武事申明左翼軍節制事宜卒贈光祿大夫舊志

司馬伋淳熙九年以寶文閣待制知泉州居二年除龍圖閣待制再任增飾禮殿設殿簾兩廡揭御贊銀諸板修城中坊表百餘命郡文學陳讜書扁法曹祝繪爲圖記

書閩

林枏莆田人淳熙十二年知泉州以清德律貪除諸邑無名科斂訟牒盈庭剖決不滯一時豪強斂跡莆泉密邇親故不敢干以私後帥閩卒民立祠以祀舊志

傅淇字元瞻仙遊人晉江令佇子由進士淳熙中知泉州迎九十老母就養潔己愛民惟恐有愧於父郡人卽縣廳西爲堂繪佇像祀之後知溫州卒贈中奉大夫直龍

圖閣莆田開國縣男閩書

顏師魯字幾聖龍溪人第進士歷官監察御史嘗論除職師藩者平時交結權倖一紆郡紱輒掎克以厚苞苴故

泉州府志

卷之二十九

名宦一

十八

昔以才稱今以貪敗高宗納其疏袖中行之後遷吏部尚書抗章請老淳熙十六年以龍圖閣直學士知泉州始至卽蠲海舶諸稅諸商賈胡尤服其清爲政專以恤民爲心郡人塑像祀之舊志

朱侗紹熙五年知泉州奏罷權鹽以舒民困閩書

謝諤字昌國新喻人紹興間舉進士自分宜縣擢監察御史光宗登極獻十箴累遷御史中丞慶元間以煥章閣學士知泉州所著聖學淵源五本孝宗每對廷臣誦之又嘗進孝史五十卷詔付祕書省閩書

劉穎慶元五年以中奉大夫集英殿修撰知泉州以錢米
畀十五禪寺使募工開濬東湖助以壯城之卒因以爲
放生池凡二萬九千餘丈求石於延平訪太湖石於故
家取唐以來刺史題名加刪潤去繁蕪屬善士書刻之

書閩

倪思字正甫歸安人嘉泰元年知泉州新學校修城郭繕
器械訓士卒浚河渠造橋梁葺候館立養濟院百廢俱
興民不告擾真德秀將守泉貽書問政思告以母崇宴
觴毋豔寶貨靜以安民儉以化俗思歿有年德秀爲祠

泉州府志

卷之二十九

名宦

十九

而記之曰泉守多矣不求祠而民祠之有三人焉蔡襄

王十朋其一思也史稱其屢觸權臣三黜不變

舊志參
真西山

記

葉適字正則永嘉人淳熙五年進士初爲太學博士除太
常博士朱熹爲林栗所劾適疏爭不報歷國子司業力
求補外除太府卿兼總理江淮軍馬錢糧罷主管冲祐
觀差知衢州辭起爲湖南轉運判官慶元三年遷知泉
州寧宗朝召入對進寶文閣待制兼江淮制置使累寶
文閣學士通議大夫卒諡文定適生平喜讀書考論古

今品藻人物不以世務縈懷名重當世學者稱爲水心

先生

閩書

章良能嘉泰四年以朝散郎知泉州登學宮十五齋地增

置官書三千五百餘卷

閩書

陳子冲開禧中以中奉大夫右文殿修撰知泉州奏除秋

糧重稅民感之

閩書

鄒應龍字景初泰寧人慶元二年進士嘉定三年守泉州
修舉廢墜興學右文郡城故卑薄應龍以賈胡簿錄之
貲請于朝而大修之城始固又卽明倫議道堂間建六

泉州府志

卷之二十九

名宦一

二十

經閣德濟門外筍江下流舊以舟渡始造石橋長一百
五十餘丈翼以扶欄居民行旅便之以擬萬安橋焉歷

官僉書樞密院事

舊志

程卓字從元休寧人淳熙中廷對首乙科嘉定元年知泉
州修輯郡志請推官李方子纂清源文集凡國史家集
與碑碣楹壁遍加搜採勒爲成書爲政簡靜不擾士民

安之

閩書節

眞德秀字景元號西山浦城人慶元五年進士嘉定十年
知泉州時番舶懼苛征至者歲無三四德秀至郡首寬

之遂歲增三十六艘輸租令民自槩聽訟惟揭示姓名人自詣聽治勢豪梗法務在痛繩海寇作亂官軍敗衄乃祭兵死者親授士卒方畧擒之巡歷海濱增屯要害以備不虞紹定中再知州事迎者塞路溪村百歲老人亦扶杖以出歡聲雷動諸邑二稅嘗預借至六七年德秀入境首禁之有累月不解一錢者郡計稍逼或咎其寬恤太驟德秀謂民困如此寧身代其苦決訟自卯至申未已或勸嗇養精神德秀謂無以惠民僅有政平訟理事當勉耳時南外宗官在泉者三千三百餘人以上

泉州府志

卷之二十九

名宦

二十一

中下末四等給應德秀多方區處而斂不傷民其他善政尤多所著心政經勸論文人皆傳誦祀名宦明嘉靖閒郡人復立祠郡治之東專祀之

舊志
南源委

宋鈞莆田人紹興閒進士先爲晉江尉捕盜有方擢知南海縣廉能著聲廣民愛戴嘉定十二年知泉州舊有銀礦令以其銀代台信邵武建昌四州上供而以四州所產綢棉絹帛折還支散官兵後銀礦閉廢四州折還綢絹皆紕惡又積欠大爲民病鈞懇奏乞各從初賦從之除海苔蠟房葵葉鹽鮭等稅捐俸代輸畸零下戶創局

講荒政所活萬計代眞德秀善繼其政民戴而祠之舊志

叅廣東通志閩書

王棟字子東文正公淮之子由司農少卿出守袁州改知

泉州政尚簡靜馭吏以嚴閩書

游九功建陽人寶慶元年守泉在郡以清嚴稱畱心教化

撥五廢寺田于石井書院以廩學徒南安令毛淮簿謝

觀作新學舍考成之日九功率僚屬諸生周旋廟廷以

慶其能舊志

孫夢觀字守叔慈谿人寶慶二年進士歷官大宗正丞兼

泉州府志

卷之二十九

名宦一

二十二

屯田郎中將作少監以言事忤當路者紹定中出知泉

州兼提舉市舶重名節蠲租省罰有循良之譽丞相董

槐召還帝問廉吏首以夢觀對遷司農少卿兼資善堂

贊讀後知建寧府卒其家僅敗屋數間而已舊志叅閩書

李韶字元善連江人嘉定四年進士紹定四年通判泉州

忠厚純實郡守游九功素清嚴獨異顧韶端平初遷右

正言上封事數千言理宗嘉其眞有愛君憂國之心以

寶章閣直學士知泉州忠厚慈愛簡淡冲粹純實便民

州人戴之舊志

劉偉叔嘉熙閒以奉直大夫知泉州兼權福建路市舶嘗

捐公帑錢二百一十萬治廟門殿廡講堂

閩書

趙汝騰字茂實號庸齋宋宗室寶慶閒進士累官端明殿

學士知泉州及南外宗正司事皆有善政朝廷賜田宅

以旌其廉卒諡忠靖

舊志

王會龍嘉熙四年以朝奉郎知泉州與典宗趙師恕率僚

屬偕寓公郡士詣學行鄉飲酒擢太府少卿

閩書

顏頤仲龍溪人師魯之孫淳熙二年以侍郎出知泉州罷

溪糴減商稅除監賊教宗室開東湖民甚德之歷官吏

泉州府志

卷之二十九

名宦一

二十三

部尚書

舊志

通判

林孝淵字全一莆田人崇寧五年進士歷建州通判改泉

州時亂卒肆橫孝淵至遂爲帖息提舉市舶接收舶貨

吏循例取腦一匣以納孝淵厲聲曰公則官物私則商

貨何例之有斥反舶庫邵邦建薦于朝曰材術疏通吏

事詳練協贊郡治綏靖兵民千里帖然內外安堵人以

爲實錄

舊志參
閩書

韓習字勝非穎昌人億之元孫也紹興閒通判泉州攝郡

事會密院調禁卒他戍卒憚遠涉既出城欲倒戈爲亂時劉寶提偏師赴臨漳捕茶寇習知其謀密以告寶假劉兵百餘設伏以俟其變亂卒甫入譙門伏兵四起卒就擒戮其渠魁復遣往戍一郡以寧秩滿寓居于泉舊志

陳大亨字文通仙遊人紹興三十年進士隆興中通判泉

州居家清勁歷五任貧無居屋寄寓僧舍閩書

孫叔謹字信之龍溪人嘉定十一年進士爲泉州通判訟

牘剖決如流去重征恤民困丁艱歸閩書

方蒙仲字澄孫莆田人淳祐七年進士由國子監出爲泉

泉州府志

卷之二十九 名宦一

二十四

州通判攝郡守篆兼司舶剔除蠹弊黥籍舞文之吏不得逞終祕書丞所著有通鑑表微洞齋集閩書

吳棫字才老建安人舉進士紹興間任泉州通判剛直有

謀明恕能斷悍卒謀亂一郡洵洵棫命戮數人談笑定之所著有書裨傳詩補音論語指掌考異續解楚辭釋

音韻補又作字學補韻朱文公據以叶三百篇閩書節

戴溪字肖望永嘉人慶元中判泉州有能聲與太守信安

劉穎撰清源志七卷歷官太子詹事立朝雖乏骨鯁而

純明平易閩書

朱在字叔敬建陽人文公第三子以蔭補官嘉定閒通判
泉州爲政一以父爲法歷南康軍奉祠起知信州入對
以進學問振紀綱求放心爲言累遷工部侍郎奏請曾
子參並封公爵楊雄王雱應去其像程灝程頤張載從
祀廟廷歷煥章閣待制書閩

游酢字定夫建陽人元豐進士慶元中由博士僉書泉州
判官以道學淑士心以公勤治吏事時方修祠館編民
困於征調所至騷然酢處之裕如民不勞而事集擢監

察御史舊志

泉州府志

卷之二十九

名宦一

二十五

傅知柔仙遊人宣和進士知龍巖縣素有威名調泉州僉
判帥臣檄捕海寇知柔出幟以示寇卽降終朝請郎舊志

黃公度字師憲莆田人紹興八年進士第一任平海軍節
度判官兼南外宗正簿有流民數百輩自汀虔下至泉
守將疑而繫之公度力爲辨解得縱去代還除祕書省

正字

書閩

方阜鳴字子默莆田人嘉定初任泉州僉判時眞德秀爲
守阜鳴嘗謂滅門刺史破家縣令此衰世事古人惟曰
豈弟君子民之父母而已德秀擊節歎賞在官清儉秋

毫不苟取每以其任晚用小爲恨

舊志

胡大正字伯誠崇安人以季父寅補官開禧中僉判泉州會劇賊號過海龍羅動天者逼清漳勢甚急泉與爲鄰城門晝閉忽近郊有荷斧者數十人兵捕以聞同幕請肆諸城下大正不肯書牘訊之果採樵者皆釋之郡爲番商之會每舶至檢視者得利不貲大正秋毫無所取

舊志

推官

林希逸字肅翁號霽齋福清人淳熙五年爲泉州推官以

泉州府志

卷之二十九

名宦一

二十六

清白稱著有三子口義歷司農少卿終中書舍人

閩書

鄭厚字景韋興化故縣人舉禮部奏賦第一紹興中任泉州觀察推官先以趙鼎薦召對陳御將固本攬權之方高宗嘉納及至泉適鼎爲太守大小政務盡委決焉尋以郡吏決死獄誤以甲爲乙與守佐皆連坐解去歷知

湘鄉縣卒于官

閩書

李方子字公晦光澤人朱文公高弟嘉定七年廷對擢第三調泉州觀察推官適眞德秀守泉以師友禮之郡政大小每以咨決暇則與辨論經訓至夜分不倦秩滿遷

國子錄祀名宦舊志

參軍

陳仁壁莆田人仕陳洪進為泉州通判勸洪進納士太祖

嘉之授檢校膳部員外郎泉州錄事參軍子靖知泉州

閩書

陳簡能字知柔閩縣人大中祥符五年進士及第為泉州

錄事參軍淵懿有士操深古文辭改建州參軍閩書

葉任字仲堪仙遊人由父蔭天聖閒任泉州司戶參軍性

介直孤行蒞眾必先繩其尤強猾者治民必先憐其尤

泉州府志  卷之二十九 名宦一 二十七

貧弱者上官以勢奪弗為動卒以見忤投牒歸去而民

思之節蔡忠惠文集

李亢字君超南昌人皇祐中為泉州司戶參軍郡將貪墨

僚屬皆曲媚厚獻亢與州帥曹某獨無所私奉將怒且

憾憲使羅承按部至郡曰椽不從眾為人可知即拜薦

之閩書

陳可大字齊賢仙遊人政和二年進士調泉州工曹兼右

推時龍巖解死罪盜七人可大明其無辜得不死時稱

神明舊志

杜純字孝錫甄城人元祐中任泉州司法叅軍泉有番舶之饒雜貨山積時官於州者私與爲市價十不償一惟知州關詠與純無私買後事敗獄治多牽繫惟關杜無與關猶以不察免且檄參對杜憤懣陳書部使者爲訟冤關得不坐

舊志

提舉市舶司

趙崇度嘉定閒提舉市舶先是海商貨至官競刮取命曰和買實不給一錢於是商舶滋少供貢缺絕崇度與郡守眞德秀同心剗洗前弊罷和買禁重征逾年舶至三

泉州府志

卷之二十九

名宦一

二十八

倍故事歲以土物送諸貴人下泊曹吏皆饜滿崇度曰吾不能腴脂膏以市寵榮悉罷之

舊志

林達莆田人居官清白司泉州市舶嘗受鮓十甕他日發之金也遽還之歎曰昔畏四知予畏一心

閩書

泉州教授

劉康夫字公南閩縣人熙寧中嘗舉孝廉坐後時罷元豐閒主泉州教授規矩端恪其訓養豪雋成就才哲發於誠心施於政事爲文下筆千百言若不由思慮而羽翼詩書根柢仁義雖夙構無以過之泉人蔡彰嘗錄其溫

陵教授之功以傳諸人元祐閒以特奏名舉未唱名前
二日卒鄭俠表其墓謂其事親事長恤窮撫稚教育人
才無一不可以勒金石感鬼神云

閩書

鄭俠字介夫福清人治平中進士元豐閒監安上門以發
遞上流民圖忤王安石呂惠卿編管英州元祐初蘇軾
孫覺薦之起爲泉州教授泉士爲所造就多以節義相
尚丁艱起補泉州錄事叅軍元符閒再送英州編管徽
宗卽位廣州守朱師表薦復起泉州教授士沐舊雨益
切奮勵後罷歸篋惟一拂世稱爲一拂先生祀名宦

舊志

泉州府志

卷之二十九

名宦一

二十九

叅閩書

蔣雝字元肅仙遊人紹興二十一年進士乾道閒教授泉
州守王十朋見其文大加賞識雝因作夢仙賦以獻十
朋曰長卿大人太白大鵬之比也又撰時政十議十朋
歎曰此經世之文矣後知江陰軍再知通州

節閩書

陳讜字正仲仙遊人隆興元年進士淳熙中任泉州教授
該貫羣集賦詩屬文雅有典則尤工書法遒勁不減蔡
襄自少至老士林推重歷殿中侍御史兵部侍郎知寧
國府封清源郡侯年八十二卒

閩書

陳覺伯字宗尹長樂人咸淳七年進士教授泉州以古道
迪士幼主航海次泉州港覺伯率同列表起居尋命攝
州倅扈從入廣拜福建提刑數日罷歸聞厓山師潰憤
惋不食且卒命其子曰吾宋臣也題吾墓則係於宋閩書
林德暘字景熙平陽人以上舍釋褐歷泉州教授禮部架
閣宋亡諸陵被發德暘痛憤不已與同舍生鄭樸翁等
行拾而收之又聞理宗顱骨被投湖水出錢購漁人求
之一網遂得盛以二函葬于越山植冬青樹識之爲詩
悽愴聞者悲焉閩書

泉州府志

卷之二十九

名宦一

三十

晉江縣知縣

危雍邵武人皇祐中進士熙寧閒爲晉江令嘗築湮浦埭
以捍海潮蓄灌溉又築清洋陂自南安九溪至於高溪
凡三十六水合流而下所灌田四千八百頃民德之爲

立祠

舊志

方次彭字公述興化故縣人皇祐元年進士元豐中知晉
江縣時有爲盜所殺者尉坐罪其隣人次彭疑而釋之
果獲眞盜歷知海寧梅州均有惠政閩書

黃彥輝字如晦莆田人宣和三年進士以奉議郎爲永春

丞知縣洪旦德勝於才泉守趙鼎以旦與彥輝易任旦喜彥輝能代其煩彥輝待旦益恭紹興閒權知晉江縣會朝命濱海諸縣造船彥輝令主吏曰民賦有定不可加斂縣帑有所謂本錢者盡刷出以充其用縣例造九船其成獨先差知同安縣裏山表海寇盜陸梁申安撫司創築城壁周環六里安撫司奏保與減磨勘尋以使牒監納軍倉苗米剷除諸弊奸人不得逞乃撫拾專斗註誤欲以汚彥輝監司按覈無毫髮瑕疵可指遷潮州

通判卒累贈大中大夫

舊志參莆田志

泉州府志

卷之二十九

名宦一

三十一

洪元英紹興六年知晉江縣與邑人李密李國表修郡南六里陂水利三年竣功事聞錫章服民爲立祠

水利功德錄

林湜字正甫其先長溪人徙平陽紹興中登第爲富陽尉淳熙中以功治晉江縣時大造戰艦當科民湜不忍欲投檄去諸番寓居者義之咸助其役艦就而民不知秩

滿民空城畱之

閩書

鄭鼎新字中實仙遊人嘉定十六年進士定中知晉江縣建問政堂輯論語繫於政者二十四書于壁以便省覽又建縣學文宣王廟闢尊道堂邑立生祠于紫

澤宮舊志

晉江縣縣丞

詹體仁字元善崇安人始冠登隆興元年進士乾道間爲
晉江縣丞居官以利民爲心梁克家薦之朝入爲太學
錄歷龍圖閣知靜江府移鄂州卒郡人眞德秀蚤從之
遊問以居官涖民之法曰盡心平心而已盡則無愧平
則不偏閩書

晉江縣主簿

葉文炳字晦叔建安人淳熙十一年進士任晉江主簿致

泉州府志

卷之二十九名宦一

三十二

書請益於朱文公及至官文公告以居官臨民之法時
顏師魯爲守事多咨之決汀州豪民相讐敵帥張忠定
選官撫諭皆憚行文炳獨請往旣至折之以理諸豪皆
伏攝獄攝舶拒絕苞苴不徇貴人請師魯薦之于朝秩

滿遷劔浦令閩節書

晉江縣尉

史居方雍熙中爲晉江尉暮月政成轉運使以聞朝命卽

知縣事閩書

黃願龍溪人南安令彥臣子靖國閒任晉江尉補葺六里

陂各處殘缺仍增開諸淮以通水利民祠祀之水利功德錄

林天書名詔以字行福寧州人咸淳四年進士授晉江尉勵行安貧克勤其職思孔聖危邦不入之訓以疾乞歸

後八年宋亡元初屢薦不起閩書

石井鎮監

朱松字喬年婺源人監石井鎮抱負經濟恥於自售後胡

世將撫諭東南見松奇之薦于朝調試館職舊志

南安縣知縣

虞肇字公充邵武人皇祐中知南安縣事先爲御史臺推

泉州府志 卷之二十九 名宦一 三十三

用法明審泣縣未七十日謝歸南安志

龔原字深之遂昌人熙寧閒知南安有善政少與陸佃同師王安石進士高第仕終知亳州淳祐志稱爲先朝直

臣閩書參南安志

黃彥臣字叔燦龍溪人治平中進士元豐閒知南安縣以

清惠聞後倅泉州歷官朝散大夫子願尉晉江造轎以

遺彥臣惡其侈焚之仍移書切責舊南安志

余武弼字直儒興化人紹興二十四年知南安縣愛民如

子民德之恒禱祠廟祝勿遽去提點刑獄按郡民爭詣

乞畱武弼以父老力乞歸養舊志南安志

鹿何乾道中知南安縣事有政績去之日民遮道至數十

里隔兩口夜乃歸南安志

徐鹿卿字德夫豐城人嘉定十六年進士紹定六年知南

安縣既至首罷無名之賦明版籍革預借決壅滯達寃

抑邑以大治歲飢諭民以相周之義富者樂分貧無死

徙真德秀帥閩疏其政以勸列邑薦于朝尋以母喪去

後累遷禮部侍郎著有泉谷文集奏議講議鹽楮議稿

歷官對越集手編漢唐文類文苑菁華卒諡清正舊志閩

泉州府志 卷之二十九名宦一 三十四

書南安志

南安縣縣丞

傅佇字凝遠仙遊人重和元年進士授無垓主簿調南安

縣丞歲大飢民棄妻子者相屬佇請出常平錢米設安

養院食之民不失所明年歲豐悉訪所親歸之紹興中

遷知晉江縣會治戰船佇躬督其役勞費半他邑而事

獨先辦張浚聞于朝特減磨勘三年除茶司幹辦公事

轉南劍州通判舊志南安志

南安縣主簿

林從周海陽人景德二年進士授南安縣簿日持手板與
刺史侃侃辨曲直主計者聞其材檄泣劍州銀冶累官
度支郎提點浙東西刑獄書閩

龔茂良字實之莆田人紹興八年進士爲南安簿有政聲
遷邵武司法調泉州察推以廉勤著擢右正言論列侃
侃歷官禮部侍郎叅知政事高宗欲召用史浩茂良疏
諍稱疾求去陳恢復六事被劾落職安置英州卒諡莊

敏

舊志叅
南安志

南安縣尉

泉州府志

卷之二十九

名宦一

三十五

楊翊字正臣浦城人天聖二年進士授南安尉偶得微疾
投檄不仕蔡襄與同年相善始招以詩繼率同列薦之
俱不起書閩

葉立志字仲愿前太守賓從孫也淳熙中進士十二年爲
南安尉縣有死獄檄往驗視屍無首人皆難之立志焚
香告天夜設榻屍側夢神告曰死者之首投於溪北殺
之者已遁於潮之小江矣明發急詣溪北尋之果獲移
文至小江捕之見一人磨刃江側捕者詰之曰汝非南
安殺人者乎其人驚怖刃墮地於是就擒一鞫卽服人

稱其神殆與其從祖賓之辯截牛舌者同一轍焉擢知

上饒縣有廉聲官至惠州通判

南安志

惠安縣知縣

陳執中字昭譽洪州人大中祥符八年以父恕蔭來知惠安縣事清謹守法門無私謁嘗有縣齋詠梅詩一首云去年邊上見梅花醉眼淹留未到家今日嶺南攀折得忽驚身又在天涯後人因作見梅亭以記之

舊志

李畋蜀人張詠知益州選畋於諸生中授以文學遂知名

天聖元年以大理寺丞來知惠安縣事始建學宮以教

泉州府志

卷之二十九

名宦一

三十六

子弟其政尚簡與民休息嘗作縣居詩三十首畋之母賢而知書且精相宅之說謂縣白虎山高不利於人命畋築城隍廟於縣治東以壯青龍之勢民至今賴焉

舊志

參閩書

李廣文字夢授古田人政和二年進士紹興閒知惠安縣繼令浦城倅建安先後敗方臘葉儂二寇出罪囚使破賊自贖又嘗挺身戢鹽寇之亂歷官十六任名績著一時惠安及潮惠人祠祀之

閩書

彭元達長樂人大觀三年進士紹興五年知惠安縣事時

兵戈之餘民俗彫弊元達講求利病軍需百費調度有方民不知勞舊學在邑西南隅繼遷皇華驛後士病湫隘元達爲改建于舊址及去繪像于學東廡祀之

舊志

林昌言字俞仲福清人紹興十五年進士知惠安縣未浹旬百廢具舉惟午夜鼓人失節晷刻莫稽乃用日者張仁作漏室以天地相去凡八萬一千三百九十四里周天凡五十一萬三千六百八十七里日月循環冥冥難測皆不逃乎涓滴爲籌三十有八以驗晦朔弦望遲疾出沒無差毫釐仕終通判

閩書

泉州府志

卷之二十九

名宦一

三十七

丁康臣乾道二年知惠安縣值王十朋爲守每至郡必與十朋講論民間利害十朋甚善之特薦於朝謂付以繁難必可倚仗其爲政也嚴明爲本濟以廉平催科不擾辦居衆先民無冤訴訟牒衰止

閩書

周震紹熙三年知惠安縣有善政嘗以春月勸農至華林寺有詩云飛廉怒息海天明十里藍輿出勸耕隴麥低頭須雨意林花迎面笑春晴熙寮聯轡勤田事父老傳杯識至情及物無功慚竊廩豐年有願是忠誠

舊志按南安○

縣志亦載是傳亦作紹熙三年知南安縣有善政云云及考舊志閩書職官部南安無周震姓名應係南安志

誤之

龔最莆田人叅知政事茂良之子慶元四年以廕補知惠安縣到任增置書籍以教士子初茂良與史浩不合及彌遠當國修先世故怨最亦安於退處不復仕

舊志

惠安縣縣丞

葉湜字子是甌寧人慶元五年進士紹定閒丞惠安時真德秀守泉謂僚佐之賢者惟湜與李方子爲最方子學邃氣平本經術明世用湜則堅強介直遇事無難意處劇無倦容他人所不能爲與不敢爲者吾盡舉屬之

泉州府志

卷之二十九

名宦一

三十八

人勁易不同同歸于是湜壯歲遊朱文公之門得直養之旨爲人磊落明白無所回隱仕終安仁令

節閩書

惠安縣主簿

上官端義字方叔邵武人以廕爲惠安主簿催科示信民自樂輸後調袁州司法遷建安丞攝浦城甌寧二邑皆

有惠政

閩書

安溪縣知縣

阮駿字千里莆田人紹聖元年進士攝安溪縣有惠政建炎初除河南少尹兼西京畱守死于金人之難

閩書

楊幹廣信人紹興十二年知安溪縣爲政以厚俗爲本崇尚教化遷建廟學邑之文風自是始盛邑民爲立生祠陳挺卿作頌曰古人之心古人之貌心正而清明瑩冰壺民之慕公一日無渝貌恭而溫璠璣炳煥民之慕公一日無慢

舊志參
閩書

李著紹興閒以本縣丞陞知安溪縣葺治黌舍作社稷壇名亭曰報美自爲篆額雄健可觀

安溪志

黃朴字文卿龍溪人紹興三十一年知安溪縣興學校課農桑極意教養捕治豪強擊去寇盜梁克家曾首薦之

泉州府志

卷之二十九

名宦一

三十九

檄攝韶州不就乞祠去祀名宦

舊志參
閩書

孫□□字延父龍溪人淳熙二年進士以直道著聞紹熙中知安溪縣爲政簡易催科有程其於差徭必親按戶籍第其先後且多方寬恤民感其德至有先期而輸者又修學舍躬課程斥廢刹之田以贍士遷婺州通判祀

名宦

舊志參
閩書

楊承祖字慶襲龍溪人嘉泰四年任安溪知縣勞心撫字遷循州倅邑人遮道借畱

舊志

陳宓字師復號復齋莆田人丞相俊卿子也少侍朱文公

長從黃幹遊以父任管南安鹽稅嘉定中知安溪縣作安養院以棲行旅立惠民局以藥病者先是縣有稅課錢名經總制錢時府判監簿復欲解補登足以給兵食必力辨之以爲酷政虐民持不肯應各色錢不係上供者例歸縣官吏以例進宓曰此一例字壞了許多賢士大夫命置之官帑一日有陳嚴一者自斷左手次指誣兄之子宓疑之令效其舉刀狀遂詰之曰如此則餘指俱傷安得僅斷一指乃汝自斷誣之耳其人屈服出縣門再拜曰公神明也歸悔而撫其姪累官直祕閣主管

泉州府志

卷之二十九

名宦一

四十

崇禧觀寓居泉州與郡守真德秀友善宓天性剛毅信道尤篤自言居官必如顏真卿居家必如陶元亮端平中詔贈直龍圖閣所著有論語註義問答春秋三傳抄讀通鑑唐書贅疣諸稿嘗讀書晉江白虹山學者稱復齋先生泉州人祀之名宦

舊志參莆田志安溪志

趙彥侯號東巖嘉定六年知安溪縣以儒術飾吏事條教

詳明邑用以治祀名宦

舊志

周肆弋溪人嘉定九年知安溪縣政教兼舉士宜民安當

時以肆與趙彥侯皆繼前陳令以治爲立生祠並祀

舊志

顏振仲字景玉龍溪人寶慶元年知安溪縣畱□□□□
刷冤濫有陽嵩嶺爲盜淵藪出沒殺掠時尉□□□□
姜某罪之案具振仲廉知其冤遂得釋太守□□□□
異其事遷興化通判祀名宦舊志

黃堅叟福州人嘉熙間知安溪縣前令陳宓取上乘廢剝
田贍士至堅叟爲縣田被貲豪所竊堅叟白守顏頤仲
復之又以縣前鼓樓廢墜鳩工重新期而竣事邑士自
宓時三十增至四十迨堅叟增爲六十安溪志

鍾國秀上饒人咸淳元年知安溪縣始至卽畱心教化修
泉州府志 卷之二十九 名宦一 四十一

建學宮邑士慕之爲立生祠舊志

安溪縣主簿

陳淳字安卿號北溪龍溪人少習舉業林宗臣見而奇之
謂曰此非聖賢事業因授以近思錄淳遂棄其業而學
焉及朱文公至漳淳請受教爲學益力文公語人曰吾
南來喜得陳淳憂時論事感慨動人郡守以下皆禮重
之時造其廬而請焉嘉定十年以特奏恩授迪功郎安
溪主簿將之官而卒泉南諸生哀之曰後學之不幸也
所著有大學中庸論孟口義仁義禮智心意性情字義

詳訂詩禮女學等書仙溪陳沂往來其門最久嘗輯一時問答之言爲筠谷所聞二卷

舊志參
漳州志

朱牧字子文閩縣人咸淳中任安溪主簿以賢能稱調隆

興府法曹丙子之變死于官鄉人私諡曰文貞

雍正
志稿

安溪縣尉

宋文炳咸平四年爲安溪尉攝令始建學校教化以興邑

人爲立生祠祀之

舊志

黃穎字仲實莆田人從陳襄學質疑於孫莘老爲所愛重元祐閒舉經明行修不就時天下弗就舉者三人穎居

泉州府志

卷之二十九

名宦一

四十二

其一適莘老爲中丞因哲宗問及條其學行詔降袍笏卽家起之更三期母促行始調清溪尉歷知長泰縣

閩書

江默字德功崇安人乾道中爲安溪尉丁外艱歸詣武彝

精舍從朱文公講學宰光澤建寧皆有異政

雍正
志稿

安溪縣主學事

許君佑景定五年主安溪學正己率人有功學校士子德

之立祠與鍾國秀並祀曰二賢

舊志

同安縣知縣

林瀆字道源治平中知同安縣作新廟學大□□□□□

學者閩書

黃琮字子方莆田人元符三年以進士知同安縣清操不
渝有惠政民生祠之與陳麟翁谷號三循吏舊志

陳宋霖字元雱一字元滂長樂人紹興二十一年任同安
令朱文公爲簿每日相與切磋講明經義爲政廉平後

陞祕監閩書

鄭公顯字隱之龍溪人乾道二年進士淳熙中知同安縣
有惠政歷右侍郎兼左司郎中學問淵深尤長儷語閩書

余元一字景思仙遊人淳熙五年進士知同安縣增築縣

泉州府志

卷之二十九 名宦一

四十三

城政號清嚴終池州通判閩書

毛當時嘉定閒知同安縣事有惠政修明朱子之教專祠

以祀之其行事多取法焉同安志

同安縣縣丞

石斫字子重臨海人第進士紹興中授桂陽主簿調同安
縣丞時天旱民飢縣白府請蠲租太守怒檄斫杖其主
吏斫上記太守曰杖一吏細事耳然所係則大民今皇
皇無以爲命縱不能救忍箝其口乎守怒未已遣幕官
往案驗至則希守意以爲不當蠲斫爭益力部使者口

之因以委罄既行視歸卽揭榜諭民蠲之什九且亟召鄉吏閉廨中使鄉爲一榜戶列所蠲與其當輸之數旣成立授里胥使走揭其所矯曰上官意也邑人德之罄與朱文公友善歿爲銘其墓

舊志參
閩書

同安縣主簿

朱熹字仲晦婺源人後居崇安紹興戊辰進士二十一年任同安簿蒞官以教養爲先務革弊興利緩急有序事無大小必親裁決賦稅簿籍逐日點對以防吏弊利於民者雖勞不憚民欲爲僧尼者禁之選秀民充弟子員

泉州府志

卷之二十九

名宦一

四十四

一時從學者衆建經史閣作教思堂訪求名士徐應中王賓等以爲表率日與講論正學規矩甚嚴五載秩滿士思其教民思其惠至今以斯邑爲過化之地其作述政績之詳具載于大同集立祠在學宮之東配以許升

王力行呂大奎邱葵四子

舊志參
閩書

方士端字德明莆田人以授室宗邸補登仕郎試吏部復授右迪功郎紹興中調同安主簿代朱文公文公才之攝尉得盜當受賞棄不肯顧其節槩如此後遷知福清

縣卒文公爲銘其墓

舊志

同安縣尉

羅烈字子剛長汀人建炎二年進士授同安尉寇楊勅自
劍州趨泉烈部兵扞捕邑恃無恐再調興寧亦有禦賊
功終知廬陵縣烈喜著述有博文新說十卷古文類證
數萬言註杜甫詩事類千餘條行于世閩書叅八
通志

蕭里字元舉龍溪人力學好古以周禮名家登慶元二年
第調同安縣尉一介不取當時有嗜學如飢赴義如欲
之稱舊志

統制

泉州府志

卷之二十九

名宦一

四十五

劉寶不知何許人紹興十五年山寇出沒汀虔浸及惠潮
漳泉命統制劉寶將兵討之寶往來諸州紹興十八年
泉士民乞畱寶收討餘黨於是詔本路帥司統領陳敏
及汀州翟臯溫立漳州周浩盧眞所將兵二千七百十
五人馬一百三十八匹改充殿前司左翼軍以陳敏爲
統制兼統之皆聽寶節制寶分柵要害遷教場于州北
合諸軍教閱焉賊平寶回畱敏彈壓先是寶提師欲往
漳州捕茶寇會禁旅憚遠戍謀出城爲亂州通判韓習
偵得之以告寶與習設伏擒獲其魁仍遣其當戍者郡

賴以寧

舊志參
閩書

韓俊開封人沈鷲有謀淳熙中閩部土盜竊發孝宗親擢
爲統制臨遣諭以久任在軍二十四年拊御訓齊有古

良將風

舊志參
閩書

統領

陳敏字元功石城人精騎射有韜畧御士得懽心初率家
丁入閩討賊兵帥薛弼擢爲漳泉巡檢時草寇跳踉山
谷敏往來龍巖漳浦永春德化閒勦蕩悉平民德之所
至皆爲立祠以功遷本路統領統制歷江淮都統制卒

泉州府志

卷之二十九

名宦一

四十六

贈少師

舊志參
閩書

兵馬都監

姜特立字邦傑麗水人累遷兵馬都監海賊姜大獠寇泉
南特立以一舟先進擒之帥臣趙汝愚薦于朝除閣門

舍人

閩書

元

泉州路總管

怯來至順閒爲泉州路總管時文廟凋敝廊門及師生舍
皆墜漏教授陳應麟請修之怯來曰事孰有尚於此者

當與子亟圖之毋使我有既去之悔乃召諸工度費費且不貲則曰士廩薄不可以支給也民力瘁不可以重勞也則出私幣倡在郡之篤義者人爭樂輸而師生亦各隨力飲助庚寅五月肇功自禮殿至禮門悉易其壞而丹牖之作櫺星門飾先聖先賢從祀賢人像明倫堂學正錄廳左右齋四十間悉改覆平窳地爲堂準闢齋祀爲廣廡從祀之祠以次興修歷三年而告成應麟馳書於陳衆仲旅爲文記之

節陳衆仲文集

朱文暉字元道莆田人泰定元年進士知泉州路總管府

泉州府志

卷之二十九

名宦一

四十七

事左經右律吏駭且偵剔蠹平徭如衡稱物有撓之者正色不屈尤博學善文著有葵山集致仕歸子瀟洪武

中進士

閩書

楔玉立字世玉畏吾人至正中監泉州時諸路兵亂玉立築城浚河爲捍禦計興學校修橋梁賑貧乏舉廢墜考求圖志搜訪舊聞聘三山吳鑒成清源續志二十卷郡人蔡元年十四有神童稱玉立優禮之驛置京師朝授編修郡人皆勸干文學士民立祠祀之

舊志參閩書

推官

烏古孫良楨字幹卿至治中任泉州推官多所平反前爲漳州推官時嘗上言律徒者不杖今杖而又徒非恤刑意宜加徒減杖遂著爲令及移泉州益以能稱歷福建廉訪終中書石丞其自左曹登政府多建白罷福建山東食鹽瀕海被災園田稅民皆德之

閩書

經歷

林泉生永福人天歷中進士任泉州經歷民逋酒稅械繫累年至有死者泉生以法諭舶商使代償之歷官翰林

直學士卒諡文敏

舊志

泉州府志

卷之二十九

名宦一

四十八

市舶司提舉

項棣孫字子華麗水人天歷中進士提舉泉州市舶司值歲荒道殣相望防禦卒出掠鄉落或至殺人棣孫亟曰郡守僂玉立捐俸倡大商入金易粟賑之民以安堵癸巳上游福安羅源古田諸縣奸民林君祥等嘯衆爲變招江西妖人數萬圍福州廉訪使郭興祖檄棣孫集泉州興化二郡義兵爲援棣孫部署有法盜皆遁去爲政簡易一以愛民爲本至忠義大節持之益力

節閩書

稅課司副使

陳陽盈字子謙福寧人至正閒爲泉州稅課副使十二年
寇攻州城知州王伯顏檄陽盈率民兵拒敵奮身陷陣
賊脅之降陽盈執大義罵賊遂與義士湯成順同遇害
事聞贈敦武校尉

閩書

泉州路教授

聞人夢吉金華人泰定中鄉貢任泉州教授究心經傳悉
通奧旨學者爭趨之

閩書

陳天錫字載之福寧人至正閒任泉州教授造大成樂鑄
禮器率以法度遷知建陽歷福清所著有鳴琴集

閩書

泉州府志

卷之二十九

名宦一

四十九

晉江縣尹

陳駭字元甫至正中以學行薦補書院山長改潯漢場司
丞時鹽法廢壞私販盛行頑民相挺易於爲亂駭招捕
有方海瀕安堵辟行中書省職官椽西域那兀納等據
泉州行省奉辭討之以駭嘗爲鹽官素得吏民心辟護
軍參謀軍事駭請曰泉郡民皆良善特爲賊所脅耳請
以檄招撫必獲其助時那兀納已肆掠興化道路梗塞
駭以檄付從者閒道以授縣尉龔名安等那兀納徵兵
名安等佯許之帥舟師次東山渡以俟翼日駭等官軍

至遂豎行省旗幟入城秋毫無犯那兀納就縛檻送行
省因調駘爲晉江縣尹兼分督鹽課戢兵息民境內寧
謐陞廣東鹽課提舉兼叅潮惠循梅諸州軍事旣而叅
政陳復代領課州事遂翩然歸田道由泉州父老懷其
舊德固挽留之因家焉晚築南湖墅杜門謝事黃冠野
服種蒔自給妻妾如其心年七十卒郡民爲祠祀之所
著有方山堂集舊志叅
閩書

晉江縣主簿

葉謹金華人元貞閒任晉江主簿明達恬進取卓然有立

泉州府志

卷之二十九

名宦一

五十

知交皆四方名士所至以教養爲務閩書

晉江縣尉

劉益字有諒晉江人由良家子弟率義兵從帥府討山寇
以軍功補官至正二十一年授晉江尉會大飢幽薊尤
甚益首率仗義饋餉至于大都時西域那兀納等據泉
州炮烙邦民以取貨財益設法贖之所活甚衆後所活
者相率於西峯院爲益祝壽年八十四無病而逝舊志

南安縣尹

張夔南安縣尹甫下車修治署明年父老造庭請曰是邑

創始于晉迄今千禩治所久廢父母我邦者率給事郡中官弗寧而邑遂墟環縣之水亦失故道公既復治署百廢興舉水尚汨行惟公圖之夔慨然爲己任遂出私俸倡修之闢湮決窒凡堰牌悉礪以石負郭之田賴無早潦焉黃貞仲爲之記比於西門鄭國南安志

迺穆泰字景春蒙古人至正末以延平路總管監南安縣時當寇亂調度轉輸以給軍餉勞徠綏輯以復流亡復以政暇修舉學校時稱良吏舊志參南安志

南安縣達魯花赤

泉州府志

卷之二十九

名宦一

五十一

荅刺真大興人與元主姻爲南安簿又爲達魯花赤有惠政及民民德之後遷龍溪令陞海口總管歿于官歸葬南安籍焉從民意也墓在獅仔山下今黃族卽其裔南安志

惠安縣尹

雷機字子樞建安人由進士至元閒歷延平推官調知惠安縣尹爲人樂易和而不流嚴而不苟節浮冗抑豪強均賦于鄉人無嗟怨陞湖廣儒學提舉舊志

塗嶺巡檢

雷燦字景星建安人領浙江鄉薦至正閒任泉州路塗嶺
巡檢寇起舉義兵死之贈將仕郎主簿祀于府學尊賢

堂舊志

要束木爲塗嶺巡檢遷莆田尉邑人盧琦贈之詩曰將軍
有英氣負劍遊南荒曾陪繡衣客經踏烏臺霜戎闔拔
才雋奔走殊弗遑屬時臨漳郡郡盜方獗猖匹馬汗如
雨戰袍北風涼奮身良閒關許國誠慨慷茂績固當酬
小試焉足償菱溪枉車轍司警驛道傍蒞政肅初令頽
綱日更張月靜鼯鼠驚山暝狐兔藏編戶復奚事在在

泉州府志

卷之二十九

名宦一

五十二

樂歲康所居傍林塢訟簡白晝長鄰家稻田肥子舍芸
編香優游有旨趣於焉度年光夕露集野草秋風在垂
楊解裝欲何之作尉壺山陽莆民喜公至夾道相迎將
泉人惜公歸所懷未渠央民俗豈不殊善化端有方願
言頌政謠毋庸咏離章他日登要津萬里誰能量觀是
詩也豈非儀封夷門之流歟

閩書

安溪縣尹

呂桂字文桂其先金華人曾祖呂祖謙嘗師胡憲及與朱
文公游桂每私淑焉遂自金華徙居武彝至元閒用薦

舉任劍浦教諭改考亭書院山長後遷知安溪縣尹清苦自守節財愛民胥吏無所售奸不負家學

安溪志

唐光善至元閒辟知安溪縣以清白著子似祖元貞中任

惠汀等縣都監使

通志

安溪縣儒學教諭

林廣發龍溪人至正中授安溪學職邑僚師事之會寇作奉府檄招降以勞遷其縣主簿仍叅謀軍府事每俘至委訊輒曰此平民也府帥問何以辨曰獲於巢穴者爲賊捕於井里者爲民此俘皆自井里得之自是俘至多

泉州府志

卷之二十九

名宦一

五十三

免死

舊志

王吉才字伯謙號益齋龍溪人至正閒任安溪教諭醇謹方質篤志古道尤明典禮邑陋學廢至則廣宮宇嚴奠祀揖讓跪起士悅民嚮陞廬峯山長丁內艱服除以父老注鄰郡再任泉州學正未幾復丁外艱歸

節林登州集

同安縣達魯花赤

馬哈謀沙字端甫阿魯溫人至正十五年任同安達魯花赤先是安溪畚寇攻破縣城哈謀沙至以石修砌十六年春寇再攻西門復分三屯以拒之賊衆潰去泉之伊

守禮嘯聚攻郡城遣徒脅邑起兵以從哈謀沙仗義報
言梟逆黨十餘人於市浹旬而賊大帥衆來復讐力戰
走之擢本府判官民赴藩闈舉畱復新公廨復學舍葺
郵傳舊廢畢興而民不勞詳載黃君儀去思碑同安志

同安縣尹
孔公俊字師道孔子五十三世孫至正閒尹同安縣建大
同書院于學宮之東以祠紫陽先生蒞任有政績舊志

左副翼上千戶

金吉號一庵先爲上都人至順閒以捕盜功授武畧將軍

泉州府志

卷之二十九

名宦一

五十四

左副翼萬戶府上千戶鎮守泉州路值蒲壽庚專權殺
戮吉待時而動不與爲忤會西域那兀納竊據泉州遣
騎襲劫莆陽行省上其事檄福州軍校及泉之潯美場
司丞陳駭泐洲場司丞龔名安合兵討之時吉守西門
兵利卒銳駭密往見吉曰官軍大至玉石俱焚公宜早
計轉禍爲功吉喜曰吾夙心也夜潛開門納官兵擒那
兀納檻送行省兵不血刃市不易肆歿後州人牢醴祀
之長子呵哩先以陳柳之亂倡義徂征死節于莆次嘛
哈叻遵父遺命葬吉于東列荔林之原遂世爲泉人

李探

慶筠
志溪
清撰
源傳
麗叅
史隆

泉州府志卷之二十九終

泉州府志

卷之二十九

名宦一

五十五